



大寶廣博樓閣善住祕密陀羅尼經

唐特進試鴻臚卿三藏沙門大廣智不空奉
詔譯

大寶廣博樓閣善住祕密陀羅尼經



清刻龍藏佛說法變相圖

大寶廣博樓閣善住祕密陀羅尼經卷上息八

唐特進試鴻臚卿三藏沙門大廣智不空奉詔譯

序品第一

如是我聞一時薄伽梵在王舍大城於初會
 時降伏俱胝魔軍及調伏一切外道捨離生
 死度諸瀑流是時那由他百千兢伽羅頻婆
 羅魔軍徧瞻部洲于時世尊以佛神力變此
 大地盡成金剛令瞻部洲有情之類不聞恐
 怖時彼魔軍兩諸器仗皆變為華於王舍城
 四衢道中自然從地涌出大蓮華其華千葉
 七寶莊嚴黃金為臺瑠璃為莖高至梵天出
 種種光明普徧十方於其華中自然出聲說
 陀羅尼名為警覺陀羅尼曰
 曩莫薩嘑怛他引 葉帝毗喻二合 曳底瑟綻
 台二底娜捨你勢二 唵麼拏上聲 嚩日隸二 統哩

合二娜也 三 縛日唵合二磨囉賽你也 二上聲尾捺

囉合二寧四上聲 賀曩賀曩 五 縛日囉合二孽陛 六

怛囉合二細也 怛囉合二細也 七 娑縛合二磨引囉

婆聲上 縛曩引你入 吽引吽 九 散馱囉散馱囉

十 沒馱引昧聲上 底利十一合引 薩縛怛他引孽

多二十 縛日囉合二迦臘跋合二地瑟恥合二帝娑縛

引二合 訶引十

時彼蓮華中流出此陀羅尼已復出妙聲徧
滿三千大千世界讚言善哉釋迦牟尼如來
已度生死大海殄滅魔軍離煩惱塵破無明
殼然大法炬由此陀羅尼威德力故令此大
地變成金剛降伏魔軍爾時金剛手祕密主
菩薩歡喜踊躍身毛竦豎頂禮佛足白佛言
世尊今此陀羅尼於何佛會最初而得我從
昔來於諸世間未曾聞見爾時佛告金剛手

祕密主菩薩有陀羅尼名大麼尼廣博樓閣
善住祕密由此陀羅尼威德力故能令三千
大千世界變成金剛一切魔軍所有器仗咸
變為華由此陀羅尼威神力故降諸魔眾及
化俱胝餘類有情悉令調伏由此陀羅尼威
神力於四衢道涌出蓮華復告金剛手言我
若不因此陀羅尼不能成等正覺不能降伏
俱胝魔眾不能枯竭煩惱大海不能然大法
炬金剛手我於無量俱胝百千劫來雖難行
苦行猶故不能成菩提果由纔聞此大陀羅
尼加行相應故得成正覺金剛手此陀羅尼
有大威力有大殊勝是一切如來真實法性
今諸如來圓證法身金剛手由稱此陀羅尼
名號則為已稱十方諸佛如來名號若能纔
念則為禮拜供養一切如來爾時金剛手菩

薩摩訶薩以種種華種種香塗香末香供養於佛既供養已右遶三匝頂禮佛足而白佛言世尊此陀羅尼有大威德有大殊勝惟願世尊普爲一切有情說彼世界現何殊勝功德一切有情不以少善根得聞此陀羅尼此陀羅尼等同如來身同舍利法性爾時世尊告金剛手菩薩言金剛手衆生下劣不勤精進心多惑亂愚癡闇鈍耽著諸欲不信正法不敬父母不敬沙門婆羅門不敬尊者是故此陀羅尼不入彼人之手息六薄福少智少慧如此衆生不能得聞不能受持不生淨信此陀羅尼能滅一切罪是諸如來祕密之藏爾時世尊復告金剛手菩薩言善男子今爲汝說從此世界東方過無量恒河沙數俱胝那庾多佛世界彼有世界名寶燈其世界七寶所

成其城四面廣一由旬多諸人民安隱豐樂彼諸男子及諸女人童男童女一切瓔珞莊嚴其身上妙寶冠嚴飾其首容貌端嚴有大威力勇健精進智慧具足通達衆藝城中有王名曰妙寶有八十俱胝大臣輔佐圍遶其王皇后名光明寶有二萬官人皆如天女前後侍奉彼世界中所有華樹及諸香樹皆是七寶所成水生諸華亦是七寶所成陸生諸華皆是閻浮檀金所成其國人民壽八萬劫彼皆成就十善業道於佛法僧發大淨信其王以正法養育不以非法於諸有情常作利益彼世界中有佛名端嚴摩尼種種清淨建立如來應正等覺於彼世界成佛廣作佛事與無量大菩薩摩訶薩衆及俱胝大持明仙衆以爲眷屬彼如來身紫色金具三十二相

八十隨形好圓光一尋其光周徧猶如七寶
熾盛照耀諸菩薩身悉皆金色晃曜相好端
嚴坐七寶蓮華彼皆辯才無礙智境通達明
處皆思惟大寶摩尼廣博樓閣善住祕密陀
羅尼由此陀羅尼威神力故出生如是殊勝
功德彼佛世尊為一切有情演說此陀羅尼
法彼諸有情由聞此陀羅尼故常獲安樂彼
一切有情離諸地獄傍生及焰魔界阿脩羅
身皆得解脫諸惡趣門悉皆關閉開諸天門
及開諸善趣彼世界有情悉皆安住無上菩
提彼一切有情悉住慈心如乳合彼佛世
尊往昔久遠行菩薩道時修此陀羅尼法作
如是願一切有情生我刹土者彼皆決定不
退轉無上正等菩提若有衆生聞此陀羅尼
受持讀誦精勤修習憶念不捨求大成就乃

至聞名或復手觸或佩身上或纒眼視或書
經卷或書帛素或書牆壁一切衆生若有見
者五逆四重誹謗正法誹謗聖人捕獵屠兒
魁膾喃婆布羯娑盲者聾者瞎者偃者人所
惡者瘞者癩者貧窮下劣不定業者魔網縛
者墮邪見者毗那夜迦觸者惡星陵逼者七
曜害者彼等諸人聞此陀羅尼決定當證無
上正覺乃至傍生鹿鳥蚊蝱飛蛾螻蟻及餘
類胎生化生濕生等諸衆生聞此陀羅尼名
者當決定證得阿耨多羅三藐三菩提不應
疑惑爾時世尊說是語已一切大衆皆大歡
喜身毛聳豎是時天雨波頭摩華芬陀利華
曼陀羅華摩訶曼陀羅華於虛空中有種種
微妙天樂不鼓自鳴爾時會中大衆各各皆
見身有光明於如來前自然涌出七寶樓閣

端嚴麗好人所樂見其寶樓閣四柱四門及四塔道光明照耀樓閣四角有四大寶如日熾盛復有無量摩尼寶珠綴於羅網無量寶鐸而懸其上無量繒幡以為莊嚴種種妙華間錯垂下是時大地六種震動所謂動搖震吼涌沒之相諸天宮殿光明照觸光所到處皆悉覺悟四大天王持明仙等亦復如是一切魔官熾然焰起一切障者毗那夜迦皆大驚怖馳走十方大聲號哭爾時世尊從眉間毫相放大光明其光普照警覺十方一切佛刹中諸佛既警覺已其光復收却入佛頂時十方佛咸皆同聲讚歎釋迦牟尼如來言善哉善哉釋迦牟尼如來今可應往寶燈世界端嚴摩尼種種清淨建立如來所今此大衆得相隨從瞻禮供養又得廣聞大寶廣博樓

閣善住祕密陀羅尼法何以故此陀羅尼有大威德有大功能一切過去諸如來等共所加持若有人得聞此陀羅尼者乃至名字及手觸者彼人決定不退轉證無上正覺爾時釋迦如來聞彼十方世界中諸如來請已復放無量俱胝百千萬億光明告諸大會諸人等言我今欲往寶燈世界時將已至汝等當共速嚴隨從爾時如來從座而起即昇七寶樓閣以手觸之其樓閣中忽然而出金剛師子妙座其座七寶所成莊嚴殊勝見者悅意又於座上生妙蓮華七寶所成黃金為莖紅寶為臺時佛世尊於蓮華上敷座而坐爾時世界皆大震動如來即入大會清淨三摩地以三昧力安慰一切大衆接諸虛空與一切衆會并諸眷屬及大菩薩眷屬大衆天龍

藥又彥達縛阿蘇囉誡嚕拏緊那囉摩護囉
誡人及非人無量俱胝持明仙衆金剛手祕
密主與一切釋梵護世四大天王等上昇虛
空往於東方過無量恒河沙數俱胝那庾多
百千佛刹於刹那頃至寶燈世界從空而下
詣彼端嚴摩尼種種清淨建立如來所恭敬
問訊少病少惱起居輕利時釋迦牟尼如來
以千葉七寶所成蓮華奉獻彼佛時彼如來
在大衆會處天妙官殿舒金色臂安慰釋迦
牟尼應正等覺安慰已坐於寶樓閣中謂釋
迦牟尼如來曰婆伽梵已轉大法輪降伏魔
軍然大法炬建立法幢擊大法鼓吹大法螺
於彼世界已作佛事證薩婆若智婆伽梵今
復轉第二法輪當於閻浮提開正法藏纔作
是語彼諸佛刹十八種動所謂動極動徧動

搖極搖徧搖震極震徧震吼極吼徧擊極
擊徧擊涌極涌徧涌爾時大雨妙華現大神
變於虛空中有種種音樂不鼓自鳴其聲悅
意又諸天子奏諸音樂所有天龍兩種種寶
種種香種種梅檀香水種種衣服種種莊嚴
具雨天妙赤珠碼瑙毗盧遮那大寶日藏月
愛日愛兩吉祥藏大摩尼寶兩天妙烏鉢羅
蓮華拘勿頭蓮華芬陀利蓮華兩曼陀羅華
大曼陀羅華雨天妙閻浮檀金華雨天妙銀
華雨天妙真珠諸天子於虛空中出微妙音
歡悅讚歎其音展轉相告善哉善哉釋迦牟
尼如來今於此時再轉法輪於閻浮提建大
妙寶如意法幢所謂大寶廣博樓閣善住祕
密陀羅尼大教法今於閻浮提廣大流布爾
時端嚴摩尼種種清淨建立如來應正等覺

從眉間毫相出光其光普照十方佛刹警覺一切如來其光復照三千大千世界及諸天宮一切龍宮一切地獄傍生閻魔羅界阿蘇囉衆普皆照曜警覺已其光復收右遶彼佛及釋迦牟尼如來三市便於頂沒爾時十方世界無量恒河沙等一切諸佛各各於彼本土作大神變現神變已詣彼世界各各以大神通變化七寶樓閣於樓閣中出生閻浮檀金師子座彼一切佛并諸眷屬於樓閣中坐爾時端嚴摩尼種種清淨建立如來安慰彼等一切如來以大神通作大供養彼等諸佛供養已還坐師子座爾時摩尼藏菩薩摩訶薩詣端嚴摩尼種種清淨建立如來所頭面禮足白佛言世尊今現大集會諸佛菩薩并天龍藥叉彥達縛阿蘇囉孽嚕拏摩護囉識

人非人等并大持明仙會所謂金剛手菩薩爲上首與大摩訶薩現大神變惟願宣說大寶廣博樓閣善住祕密陀羅尼今正是時乃至第二第三作如是請爾時端嚴摩尼種種清淨建立如來告摩尼藏菩薩摩訶薩言汝往釋迦牟尼如來所啓請彼佛當爲汝說時摩尼藏菩薩詣釋迦牟尼如來應正等覺所遶佛三市合掌頂禮前住白佛言世尊我今請世尊說大寶廣博樓閣善住祕密陀羅尼爲哀愍利益一切有情故爾時釋迦牟尼如來受摩尼藏菩薩請已即告金剛手祕密主菩薩言祕密主汝往於大衆以金剛杵扣擊於地時金剛手祕密主承佛聖旨於大衆道場中以杵擊地繞擊地已其地四裂時三千大千世界六種震動於彼裂處涌出七寶樓

閣其樓閣四角四柱四門嚴麗殊特相好圓
備光明赫奕有四階道高三由旬縱廣正等
有五由旬於樓閣中現閻浮檀金窠堵波種
種寶珠而爲嚴飾七寶羅網而覆其上無量
寶鐸懸於四角妙華繒綵而爲間錯彼窠堵
波中有三如來身爾時一切如來并諸菩薩
大衆皆共供養寶樓閣窠堵波中三如來所
謂華鬘燒香塗香末香幢旛寶蓋奏諸音樂
合掌禮敬時諸天龍藥叉彥達嘽孽嚕拏緊
那囉摩護囉誡人非人等一切衆會咸悉瞻
仰皆生竒特希有之心咸作是言此寶樓閣
窠堵波從何而來高聲讚言竒哉希有旋遶
歌詠華香塗香末香并諸音樂供養寶樓閣
窠堵波合掌頂禮瞻仰而住爾時於樓閣中
出聲告言汝諸大衆可觀空中衆聞此聲已

咸觀空中即見廣大吠瑠璃寶所成雲葉在
於虛空其寶雲葉上以金書此大寶廣博樓
閣善住祕密陀羅尼於虛空際復出聲曰汝
等一切諸佛并菩薩大衆咸可讀此寶雲葉
上陀羅尼出此聲已於十方所來諸佛一一
佛前皆現吠瑠璃寶所成雲葉上以金書此
陀羅尼復出是聲南謨釋迦牟尼如來今可
開此寶樓閣窠堵波門於彼窠堵波中有三
如來身由此三如來威神力故現大神變殊
勝之相彼三如來於此會中當具說此大寶
廣博樓閣善住祕密陀羅尼并曼荼羅成就
明法爾時十方同來諸佛咸作是言惟願釋
迦牟尼如來應正等覺爲諸大衆開此窠堵
波門令諸大會見三如來所謂摩尼寶華幢
王如來種種摩尼如來金剛超涌王如來應

正等覺爾時釋迦牟尼如來現大神通往詣寶樓閣窳堵波舒百福莊嚴金色臂開窳堵波門已示三如來身時三如來讚釋迦牟尼言善哉善哉釋迦牟尼如來今於瞻部洲再轉法輪薄伽梵可於此坐爾時釋迦如來即昇寶塔與三如來同座而坐爾時金剛手菩薩摩訶薩頂禮釋迦牟尼如來白言世尊今此樓閣及窳堵波中三如來從何而來佛言乃往古昔不可思議無量無比過無數劫於此閻浮提多諸人衆安隱豐樂香稻不種自然成熟人無彼我亦無貯積當彼之時無佛出世有一寶山王彼山王中有三仙居住一名寶髻二名金髻三名金剛髻彼三仙人決定思惟佛法僧寶復作是念我等何時成佛證無上等正覺度諸有情時彼仙等作是思

惟已須臾默然復起前念故即證於諸有情慈心歡喜種種樓閣三摩地即獲天眼觀於上方見淨居天復於空中有聲言善哉善哉正士能發勝心所謂阿耨多羅三藐三菩提心汝豈曾聞大寶廣博樓閣善住祕密陀羅尼耶過去一切如來爲諸有情利益故已曾演說纔聞此陀羅尼者當於無上菩提不退轉一切佛法當得現證得一切三摩地一切陀羅尼法悉皆現前善能降伏一切魔軍然大法炬一切善根當得現前滿足六波羅蜜能解一切地獄餓鬼傍生焰魔界阿蘇羅衆及生老病死憂悲苦惱永得解脫當於後世時於此瞻部洲有情不孝父母不敬沙門婆羅門不敬耆舊誹謗正法毀謗聖人應墮地獄誹謗諸佛菩薩殺阿羅漢作五無間罪殺

婆羅門及殺牛者抄劫竊盜妄語者不與取者慾邪行者離間和合者雜染語者輕稱小斗者強奪財物者匿他財物者委言背信者先世惡業所持者彼一切有情類由此陀羅尼威力若讀若誦受持若佩身上若書衣中若置幢上若書經卷若書素氎及牆壁牌板乃至聞聲手觸及影其身及轉觸餘人決定當得不退轉無上菩提能於現世獲無量百千功德遠離諸罪成就一切善根摧伏諸魔於諸世間皆得敬愛於一切處皆得供養一切國王王子宰官後宮并諸眷屬皆得歡喜一切沙門婆羅門亦皆歡喜言音威肅人所樂聞手脚柔軟聲相和雅離於貧窮不受世苦毒藥刀杖水火等難諸惡獸怖不能爲害無諸賊怖無劫盜怖無旃陀羅怖無南摩怖

行大小路悉皆無怖無鬼神怖無羅刹比舍遮怖無拏吉你怖無毒蛇怖乃至一日二日三日四日寒瘧常虐一切虐病悉不著身眼病耳病鼻病舌病齒病昏病疾疢病項病諸支分病手病背病腰痛病痔病淋病痢病癩瘡病髀病脛脚痛病疔病腫病癰癧斑病肚痛疥病疤跛癩癬無如是等病無頭痛不盲不瞎不偃無橫災死不聾不瘖不被輕欺如是等類現世不受得無礙辯臨命終時心不散動一切諸佛現前安慰亦不爲厭禱蠱毒呪詛著身卧安覺安於其夢中見百千佛刹及見諸佛并諸菩薩圍遶由此祕密陀羅尼威力故獲如是殊勝功德時彼仙人得法歡喜心生踊躍於其住處便捨身命所捨之身猶如生酥銷鎔入地即於沒處而生三竹金

息八

十二

爲莖葉七寶爲根於枝梢上皆有真珠香氣芬馥常有光明所有見者無不欣悅其竹生長十月便自剖裂各於竹内生一童子顏貌端正令人樂見最勝端嚴光色殊麗相好成就時三童子即於是地竹下結跏趺坐即入正定至第七日於其中夜皆成正覺其身金色三十二相八十種好圓光嚴飾時彼三竹悉皆變成七寶樓閣又於虛空中有大寶廣博樓閣善住祕密陀羅尼以金爲字忽然而現時有四大天王所謂寶髻龍主天王寶藏鳩槃荼主天王妙珠光摩護囉誡主天王摩尼金剛藥叉主天王各持寶蓋而覆其上唱佛功德是四天王各有無量百千眷屬悉持妙華而以供養咸作是言今佛世尊出現於世爾時世尊告金剛手菩薩摩訶薩言昔三

仙人者豈異人乎今此寶樓閣窳堵波中三如來是彼時三竹者今妙樓閣是彼時地者今此地是彼時世界者今此世界是彼三仙人由聞此陀羅尼勤修習故捨彼仙身成等正覺復次金剛手彼時空中讚歎此陀羅尼淨居天子者豈異人乎則我身是復有侍者息八名曰淨居常勤承事彼三仙人其三仙人成正覺已亦復供養爲彼淨居而授記曰汝於來世當得作佛其淨居者豈異人乎今此端嚴摩尼種種清淨建立如來是爾時十方世界所來一切諸佛咸讚釋迦牟尼如來言善哉善哉能以如來神通加持說此往昔因緣示現如來祕密陀羅尼此陀羅尼是一切如來祕密是一切如來母是一切如來心祕密陀羅尼是一切如來轉法輪祕

密陀羅尼是一切如來徃詣菩提道場秘密陀羅尼是一切如來詣金剛師子座秘密陀羅尼是一切如來神通遊戲秘密陀羅尼是一切如來波羅蜜圓滿秘密陀羅尼是一切如來般若波羅蜜攝受秘密陀羅尼是一切如來真言秘密陀羅尼是一切如來曼荼羅秘密陀羅尼是一切如來堅持印秘密陀羅尼是一切如來放俱胝光秘密陀羅尼是一切如來實際秘密陀羅尼是一切如來三摩地神變加持秘密陀羅尼是一切菩薩菩提心莊嚴秘密陀羅尼是一切菩薩安立如來地秘密陀羅尼是一切三摩地通達秘密陀羅尼是摧一切障秘密陀羅尼汝今說耶爾時釋迦牟尼如來應正等覺住正念智觀察一切如來出大梵音復放百千萬俱胝那庾

多種種光明所謂青黃赤白紫普徧十方諸佛世界照耀已警覺一切如來其光復收遠佛三市沒於佛頂光既沒已爾時世尊以淨妙梵音於大眾中即說警覺陀羅尼曰
 唵引薩嚩但他孽多一摩拏捨多你跋底二
二引入縛二擲入縛一擲三速麼馱覩孽鞞四
 麼拏麼拏五摩訶麼拏六怛他孽多訖哩二
 怛野麼拏娑嚩引二訶七
 說此警覺大明陀羅尼已山林大地六種震動一切如來同聲讚言善哉善哉釋迦牟尼如來善說此最勝秘密陀羅尼於虛空中現瞻部金雲徧滿十方於其雲中下七寶雨復雨龍堅栴檀末復雨優曇鉢華而以供養及餘種種妙華復雨蓮華拘勿頭華芬陀利華蘇嚩地迦華曼陀羅華摩訶曼陀羅華盧遮

華摩訶盧遮華曼殊沙華摩訶曼殊沙華蘇
摩那華末利師華瞻蔔華而供養佛一切魔
宮熾然火起一切魔衆愁憂萎悴皆大驚怖
一切障者毗那夜迦驚懼身皆流汚惡氣臭
穢十方馳走所有諸天於佛教中生淨信者
及天龍藥叉彥達縛阿蘇囉孽嚕拏緊那囉
摩護囉誡人非人等各持供具虔誠供養如
來復有摩尼照曜思惟菩薩而爲上首與無
量俱胝那庾多百千菩薩悉持種種妙寶而
供養佛時金剛手菩薩而爲上首與無量百
千持明仙各持種種百千天衣而供養佛復
有四大天王與無量百千萬億四天王衆以
種種香華塗香末香華髮衣服旛蓋而供養
佛復有梵天與梵衆諸天而來供養復有三
十三天與百千萬億天子帝釋而爲上首供

養於佛如是那羅延大自在天寶賢滿賢賢
力天等同來供養復有日月天子在於空中
而供養佛復有吉祥天女大辯才天女餉
企尼天女訶利底藥叉女與無量百千藥叉
而爲眷屬復有毗摩大天女金剛迦離天女
華齒天女使者大天女百千萬億各各以天
宮殿供養於佛復有無量彥達縛衆奏百千
種天妙音樂而供養佛復有無量百千龍王
集會所謂娑竭羅龍王難陀龍王鄔波難陀
龍王縛魯拏龍王善住龍王寶髻龍王普徧
形圓滿龍王以種種光味寶而供養佛復有
轉輪王與無量百千萬億大臣宮人嫫女及
千子圍遶來供養佛爾時大地變成金剛於
如來前從地涌出七寶蓮華其華百葉於其
華中有瞻部金剛千輻寶輪光明赫奕如日

其光徧照三千大千世界於輪齋中出微妙
聲作如是言善哉善哉釋迦牟尼如來能說
如是秘密陀羅尼能轉無上大法輪能詣大
菩提場此陀羅尼是諸如來秘密明心是諸
如來真實理趣明心惟願世尊復更為說此

大寶廣博樓閣陀羅尼世尊已說警覺心陀
羅尼由此陀羅尼警覺一切如來并其大衆
皆來集會世尊說此秘密陀羅尼今正是時
世尊此陀羅尼是成佛根本能除一切罪能
竭一切苦海能遮止一切生死曠野能越一
切煩惱瀑流若無此陀羅尼大明王終不能
成無上正覺此陀羅尼是成佛種子是轉大
法輪是然大法炬是建大法幢是吹大法螺
是擊大法鼓是法師子座善哉世尊惟願廣
為大衆說此大陀羅尼王曼荼羅印法畫像

法爾時大會雲集天龍藥叉彥達縛孽嚕拏
緊那羅摩護羅誡人非人等咸生希有奇特
之心皆禮世尊瞻仰而住爾時世尊聞大衆
虔誠請已即為廣說此陀羅尼大教王法
根本陀羅尼品第二

爾時世尊告諸大衆我今說此陀羅尼教王
此陀羅尼能成就無上菩提若有受持能除
一切罪業身得清淨即說根本陀羅尼曰
曩莫薩縛怛他引孽多去聲南一引菴二尾補攞
孽陞三麼拏鉢囉合二陞四怛他多五你捺捨
寧六摩拏摩拏七蘇上聲鉢囉合二陞八尾麼黎
九娑引孽囉十儼鼻唵十一吽十二吽十三入縛合二
攞入縛合二攞四沒馱尾盧枳帝五麁四夜合二
地瑟恥合二多上聲孽陞六娑縛引二訶引十
爾時世尊說此大寶廣博樓閣善住秘密根

本陀羅尼已於此大地六種震動雨大寶雨
 及大妙華一切所求大衆咸皆歡喜歎未曾
 有能令一切善法皆悉成就證得十地是時
 十方諸如來同聲讚歎釋迦牟尼如來言善
 哉釋迦牟尼如來乃能說此入菩提道場陀
 羅尼若纔聞此陀羅尼除滅一切惡趣纔憶
 念此陀羅尼者則爲以諸微妙香華塗香末
 香供養十方一切諸佛若能纔誦即得不退
 轉無上正覺乃至百劫千劫百千劫一切如
 來不能讚歎盡其功能此陀羅尼有大威力
 一切諸魔終不能作其障礙一切冤家惡友
 鬼神藥叉羅刹人非人等不得其便增長無
 量善根若纔念此陀羅尼者獲福無量何況
 久能誦持其福不可校量爾時執金剛手藥
 叉將及四大天王往詣佛所恭敬合掌頂禮

佛足供養而住白佛言世尊我等擁護持此
 陀羅尼有情加持養育皆令歡喜爾時世尊
 舒金色手摩執金剛手菩薩頂及安慰四大
 天王作如是言我以此陀羅尼付囑於汝若
 有持此陀羅尼者汝當擁護爾時執金剛手
 菩薩及四大天王白佛言世尊我等受付囑
 已以此大教王常當擁護彼有情受持陀羅
 尼者

心及隨心陀羅尼品第三

爾時世尊復說心陀羅尼曰

唵一麼拏縛日哩二台吽

爾時世尊復說隨心陀羅尼曰

唵麼拏切尼軫馱上聲哩二吽泮吒音

若誦持根本陀羅尼者不假簡擇時日宿曜
 不限齋戒但誦滿一萬遍已然後佛前或舍

卷八

十八

利塔前於白月十五日潔淨洗浴著鮮淨衣
隨力供養然四盞燈散諸香華受持陀羅尼
者食三白食旋遶制底一百八帛誦陀羅尼
一百八徧便於當處寢息天欲曉時如來即
現其身執金剛手菩薩亦現於前所有願者
皆得如意若造五無間罪者作如是法次第
三徧方得感現勿生疑惑常於清旦誦一百
八徧所求之事皆得成就蠱毒諸毒不能爲
害水不能漂火不能燒賊不能劫病不能侵
無他冤怖常無重病亦無眼病耳病鼻病舌
病口病齒病脣病頭痛支節痛一日瘧二日
三日四日瘧悉不著身諸惡毒蛇虎狼禽獸
不能爲害厭禱呪詛亦不著身此陀羅尼威
力如是能息一切怖畏能滅一切惡障能生
一切功德能成就六波羅蜜能成就如來境

界纔誦此陀羅尼者皆能成辦一切事業若
有人登大高山頂誦此陀羅尼盡眼所見處
所有衆生滅一切罪業亦離一切地獄業得
免傍生身若入天廟中誦此陀羅尼者使諸
天神皆悉奉教若入龍池中誦此陀羅尼者
一切龍衆皆來歸命若於日前誦此陀羅尼
者日天子即來現其人前所求意願皆能與
之若有人於執金剛手菩薩前誦此陀羅尼
者金剛手菩薩現於其前所求願者亦得隨
意若有人取菖蒲根誦此陀羅尼一千八徧
口中含之入於王宮所有演說妃后彩女歡
喜淨信若加持胡椒含於口中共他人語所
出言辭皆悉信受當生歡喜若加持白芥子
一千八徧擲於虛空一切惡風雷雹皆得消
散若加持鹽一百八徧與淨行婆羅門皆來

敬愛食此鹽者皆得歡喜若欲令利利敬愛者取白芥子護摩一千八徧即得敬愛若加持安息香一千八徧於一切鬼魅病人前燒隨其所類皆自下語彼病即差若亢旱時先以瞿摩夷塗地作四肘方壇中心畫一水池方二肘作青色於池中取瞿摩夷和土為泥捏作一龍腰已上為菩薩身作菩薩面於其頭上出三蛇頭腰已下為蛇身於池中盤屈其龍徧身以黃丹塗令作赤色以金薄貼龍心上遶壇四邊以白粉畫作蓮華於壇四角插四隻箭以五色線纏繞於箭周圍其壇又於線上懸五色小幡四角安四水鉢四門安香爐又用四箇小鉢一鉢盛乳一鉢盛酪一鉢盛乳糜一鉢盛酥及沙糖然四盞燈燒四種香所謂安息薰陸白檀蘇合於壇上散七

種穀子大麥小麥稻穀菜豆供養五色食飲并諸華果念誦人面向東坐白芥子先誦陀羅尼加持一千八徧已然後取白芥子一顆誦陀羅尼一徧打龍頭上滿一千八徧其龍即降雨一切龍皆降伏若欲止雨加持白芥子一百八徧擲龍池中其雨即止若有惡風雷雨取佉陀羅木作椽釘龍池邊即得雷雨下惡風即止若欲縛毗那夜迦取白芥子加持一百八徧安毗那夜迦頭上便不能作其障礙以乳洗毗那夜迦即得解脫所作事業皆得成就其持誦者常須清潔著鮮淨衣此是根本陀羅尼法

大寶廣博樓閣善住祕密陀羅尼經卷上

音釋

敬

居影切

賽

先代切

孽

魚列切

陸

部禮切

瘡

魚略切

瘡病也

瘻

力開切

髀

部禮切

瘰

獫郎切

癰

果切

瘰

癰病也

瘰癧病也

也結

大寶廣博樓閣善住祕密陀羅尼經卷中息九

唐特進試鴻臚卿三藏沙門大廣智不空奉詔譯

成就心陀羅尼法品第四

凡成就心陀羅尼事業者誦十萬徧即見一

切如來誦二十萬徧得見一切佛土若誦三

十萬徧得成入一切曼荼羅一切真言法悉

得成就誦四十萬徧得持明仙中轉輪王誦

五十萬徧一切阿蘇羅及諸仙窟龍宮窟門

自開悉皆得入若誦六十萬徧得見一切伏

藏若誦七十萬徧即憶知過去無量生宿命

事若誦八十萬徧即得寶印三摩地若誦九

十萬徧得一切菩薩遊戲神通加持若誦一

百萬徧得一切如來灌頂與一切如來同會

福慧如是倍增而獲無量殊勝功德若造五

無間罪誹謗聖人誹謗正法應入阿鼻地獄

者由誦此陀羅尼十萬徧一切業障悉皆消滅得不退轉獲宿命智一切如來獲念攝受得眼清淨耳清淨鼻清淨舌清淨身清淨增勝無量殊勝功德轉更增勝身業清淨兼獲世間種種事業隨意成就復次說雄黃法取好雄黃置熟銅器中從白月十三日清淨洗浴著鮮淨衣喫三白食所謂乳酪粳米於佛前加持十萬徧至十五日夜所加持雄黃現三種成就相若煖若烟若光焰即得成就若煖將用點額即得安怛但那成就入阿蘇羅窟及一切神仙龍宮得持明轉輪王位意樂所作皆得成就若煙出用點眼中當見一切菩薩宮殿住處又見一切金剛族類菩薩一切諸惡魔不能障礙獲得一切法藏隨所去處皆得通達若現光焰即騰虛空證得然炬

陀羅尼三摩地得作三十三天中主宰所須
皆得若於山頂上誦一萬徧得一切衆生尊
重所求皆得一切瞻部人咸來恭敬若入水
池中誦一千八徧一切諸龍皆悉降伏取白
芥子加持一千八徧散擲虛空應時注雨降
伏諸龍若常日日誦持獲大吉祥息九若患一切
病取水一餅以因陀羅呵悉多藥白及鉢及鉢
羅奢藥赤及白芥子并鬱金白檀香等各一
分內著餅中加持一萬徧取此香水淋灌於
頂一切大重病人皆得除差及滅一切罪障
所有符書厭禱皆悉消滅獲得一切殊勝吉
祥若患癩病澡浴灌頂亦得除差若患白癩
風以水灌頂亦得除差若有女人意欲求男
以水灌頂即便生男若有人久持誦無靈驗
悉地不現前者作此灌頂法速得悉地如是

等世間出世間所求一切願皆得成就
成就隨心陀羅尼法品第五
誦隨心陀羅尼滿一萬徧所有諸鬼神作障
難者悉來接足禮拜白言持明者救護我等
勿斷我命所使我者決定得了我皆成就若
誦二萬一千徧者即得一切天龍敬伏爲天
中主所出言辭天皆奉行若誦三萬徧一切
鬼神藥叉等咸悉順伏若誦四萬徧意欲鉤
召隨意即成若誦五萬徧所欲鉤召追攝若
天若龍若藥叉若孽嚙拏若緊那羅阿蘇羅
摩護羅識及仙人姝女沙門婆羅門刹利國
王王后宰相羣臣及餘種種人等皆得隨意
燒安息香和白芥子若誦六萬徧得無垢三
摩地若誦七萬徧得作持明仙中轉輪王若
誦八萬徧執金剛手菩薩及與眷屬來現其

前若誦九萬徧得諸菩薩施與無畏若誦十萬徧得見一切如來彼等如來作是言善男子汝欲所往諸佛刹土皆得隨意無有障礙通達一切真言通達經論一切如來加持於三藐三菩提不退轉及得種種世間出世間法心所樂求皆得成就諸佛如來皆悉印可諸儀軌陀羅尼品第六

坐真言曰

唵一引摩拏軍吒利吽吽二娑縛二合訶三引

誦七徧然後坐作餘護持法

次結壇界真言曰

唵一引摩拏尾惹曳馱囉吽二娑縛合一訶三引

誦此真言加持白芥子七徧散於四向便成

結界

次結十方界真言曰

唵一引入縛合二里多麼拏二噓止囉室合二拏吽吽半音

誦此真言加持香水和白芥子一百八徧散於十方即成結十方界

辟毗那夜迦真言曰

唵一引摩拏鉢囉合二娑縛底二賀囉賀囉三吽

吽半音娑縛合二訶四引

誦此真言加持灰水二十一徧散於十方

頂髻真言曰

唵一引縛日囉合二摩拏二底瑟吒合二底瑟吒合二

三吽吽半音

誦此真言七徧加持右手作拳舒大指以摩

頂右旋三匝即成護身

加持衣真言曰

唵一引摩拏微布黎二地里地里三吽吽四

誦此真言七徧加持衣服

洗嗽真言曰

唵引尾你庾合縛底二訶羅訶羅三摩訶引

摩拏吽吽泮吒四半音

誦此真言加持水洗手嗽口及用灑於身能

淨諸根

洗浴真言曰

唵引蘇涅摩攞縛底二訶羅訶羅三播奔弭

哩弭哩四吽娑縛引二合訶引五

誦此真言加持白芥子水一百八徧浴身法

護真言曰

唵引摩拏達哩二吽吽泮吒二半音

誦此真言用灑一切香華果實飲食及所用

之物皆用此真言加持而護之神線真言曰

唵引地哩地哩二微麼羅迦哩三吽吽泮吒五

息九

四半音

獻華真言曰

唵引薩縛怛他孽多二布惹麼拏吽吽三

所有華皆誦此真言加持散時亦誦

塗香真言曰

唵引薩縛怛他孽多二獻馱摩拏娑頗合二囉

拏吽三

燒香真言曰

唵引入縛合二里多摩拏二阿沒囉矩吒娑頗

合二囉拏上尾孽底吽三

燈真言曰

唵引入縛合二里多始佉黎二馱縛哩三吽吽

泮吒四半音

獻食真言曰

唵引鉢囉合二縛囉引孽囉合二縛底二娑囉娑

囉 三 吽 吽 四

獻闕伽真言

唵一引摩訶末拏布囉耶二馱囉馱囉吽吽三

奉獻供養物及食等真言

唵一引摩訶微摩梨吽吽二娑羅娑囉吽三

護摩真言

唵一引入囉二羅薩普二囉二誡誡那鉢囉二

多囉 拏 吽 吽 三

加持念珠真言

唵一引噓止囉摩拏二鉢囉二鉢多耶吽三

以此真言加持念珠七徧若念誦本真言一徧

移一珠即成誦一切如來所說真言一徧

一一真言成無量百千那庾多徧

念誦時真言曰欲念誦本真言時先誦此真言

唵一引縛日囉摩你迦囉二緊迦吽吽泮三

念九

六

結跏坐真言曰

唵一引蘇鉢囉二鉢底多吠藝二摩拏摩拏娑

縛二訶三

警覺一切如來真言

唵一引薩縛怛他孽多二縛庾平聲惹吠三多囉

多囉四吽摩拏迦娜寧娑縛二訶五

請一切如來真言

唵一引微布羅鉢囉二囉黎二杜嚕杜嚕吽吽三

三

求願真言

唵一引薩縛怛他孽多二地瑟吒二那質多僧

路訖又二拏三縛日哩二吽四

求菩薩願真言曰

唵一引蘇尾布羅縛娜寧二訶囉訶囉吽三

請一切天龍真言

唵一引阿鼻娑摩耶縛日哩二合馱羅馱羅吽三

請四天王等真言曰

唵引摩拏尾誡縛底吽二

加持弟子真言曰

唵一引輸毳婆摩拏二戶盧戶盧吽七

加持弟子令弟子入壇真言曰

唵一引薩縛怛他孽多二喝哩二合捺耶縛日哩

二拏三達囉達囉吽四

獻一切佛一切菩薩諸天等食真言

唵一引尾囉尾囉逝二誡誡那縛吽三擺呼

擺呼吽四

所有一切香華飲食皆誦此真言用持獻之

護身真言曰

唵一引摩拏蘇唵二合娑拏二吠誡縛底三離訖

又二合囉訖又二合鎗吽四

奉送諸聖眾真言曰

唵一引薩縛怛他孽多二矩盧你底娑摩二合囉

三尾誡底四入縛二合囉二合囉五吽吽娑

縛二合訶六引

誦此真言通一切處用所謂本尊獻闕伽華

飲食等用

已上一切心真言先各誦一百八徧然後作

法時纔誦滅一切罪一切苦惱皆得解脫諸

佛如來決定授菩提記當得作佛先世惡業

受持此真言悉皆消散獲無量恒河沙數功

德速證無上正等菩提能轉法輪

建立曼荼羅品第七

爾時世尊說曼荼羅儀軌依時法先擇勝地

然後作壇其壇四肘四門以瞿摩夷和土徧

塗拭之壇上張一白蓋稱壇大小於壇中心
取二肘併作一小方壇先以白檀香塗拭次
用鬱金香塗之或以五色粉搽成或畫亦得
於新器中和彩色用之於小壇中畫七寶樓
閣於樓閣中畫一佛形像作說法相佛前作
一蓮華七寶莊嚴於蓮華胎中畫作一輪其
輪百輻齊輞具足以金莊嚴輪外畫焰光其
蓮華莖吠瑠璃色佛左邊畫金剛手菩薩而
作忿怒形右手執金剛杵左手執白拂右邊
畫摩尼金剛菩薩種種瓔珞莊嚴其身左手
執持寶珠右手執白拂四角各畫四天大王
身著甲冑手執器仗種種頭冠瓔珞莊嚴其
身作瞋怒形其小壇中畫七寶界道於其壇
上懸一傘蓋可一肘量於傘蓋四面周帀懸
旛其大壇東門懸五色繒旛以四金旛滿盛

香水於鉢中著七寶及諸香藥五穀於鉢口
挿時華有果枝條以繒帛繫鉢項置壇四角
又以四銀鉢滿盛乳安大壇四隅若無金銀
鉢以金銀塗鉢替之於中壇南門中畫大吉
祥天女種種瓔珞莊嚴其身北門中畫餉棄
尼天女壇西門中畫金剛使者天女八臂持
種種器仗以種種瓔珞莊嚴上懸青繒旛於
中壇四邊香華飲食隨力供養然三十二燈
種種華果散其壇上於佛像前置金香爐燒
蘇合香金剛手菩薩前以銀香爐燒安息香
摩尼金剛菩薩前亦以銀香爐燒蘇合香於
四天王前燒薰陸蘇合白膠香和燒於吉祥
天女前燒白檀香於餉棄尼天女前燒安息
香於金剛女使者前燒薩羅計香是青膠香於四
天王等前各各別以飲食而供養之其中壇

四門外各立吉祥標門其大壇東門中畫訶利帝母七子圍遶於南門中畫大自在天王於西門中畫華齒羅刹女於北門中畫毗摩天女顏厚美麗有七姝女圍遶於壇上四邊插三十二隻箭其一箭以五色加持線纏周巾圍遶於線上懸五色小幡以為莊嚴於大壇外金界道上置種種華種種味飲食種種果七種油餅三十二椀三十二餅三十二香爐燒燈一百八盞種種末香種種燒香所謂薰陸香安息香必栗迦香白檀沉香多

椀復盛油四瓦椀酥四瓦椀沙糖水四椀石蜜四椀油麻四椀果子四椀七種穀子四椀應以種種飲食供養所謂天竺餅煎餅菽豆餅油麻煎餅無憂餅妙味餅酥餅沙糖餅已上飲食隨所得營辦當於引弟子入壇門中兩邊置香水二餅應為弟子入壇儀軌其弟子入已即為弟子灌頂誦此真言以用灌頂

真言曰

唵引摩訶尾布羅二鉢羅底下瑟恥二多悉第三阿毗訖者捨四薩縛怛他孽多鼻息九曬罰五婆囉婆囉三婆囉六吽吽七

纔灌頂已先世一切罪障一切業障悉皆清淨得一切如來攝受一切如來加持一切如來灌頂一切如來安慰一切悉地現前所思所求皆得滿願即成入一切如來三昧耶曼

茶羅入一切如來法性證甚深法忍徃詣菩提場獲得如是等勝上功德乃至獲得不退轉證無上正等菩提

畫像品第八

爾時世尊告諸大衆我今說畫像法而能成就一切事業應取新白氎不割截者或一肘或二肘令四方等畫人應受八戒其畫彩色於新器中盛勿用皮膠七寶莊嚴樓閣於樓閣中畫如來作說法相坐師子座佛右邊畫金剛手菩薩十二臂黃白色其像四面正面歡喜右邊面忿怒相左邊面開口狗牙上出當頭上面顰眉怒目頭冠瓔珞種種莊嚴於蓮華上半跏而坐

左邊畫寶金剛菩薩四面十六臂正面歡喜右面青色作摩訶迦羅天面左面綠色作師

息九

十一

一面頭上面顰眉露齒忿怒作淺綠色右邊第一手持真多摩尼寶作獻佛勢左邊第一手持蓮華右第二手作安慰手左第二手持三戟又二手合掌餘手皆執諸器仗右第四手持輪左第四手持劍右第五手持金剛杵左第五手持華篋右第六手持念珠左第六手持軍遲右第七手持刀左第七手持梵夾右第八手持寶塔左第八手持須彌山於蓮華臺上半跏而坐於其座下畫餉棄尼天女有八臂跪坐合掌作供養佛相金剛手菩薩下作吉祥天女跪坐持寶器滿盛種種寶供養如來於吉祥天女後畫金剛使者天女作笑面有四臂種種瓔珞而為嚴飾手持種種器仗餉棄尼天女後畫華齒天女身著素服以手持華瞻仰如來於如來前畫作七寶華

其華百葉以金爲臺吠瑠璃爲莖其蓮華上畫作百輻輪齊輞具足輪外周帀皆有火焰於蓮華根下畫四天大王悉被甲冑種種嚴飾手執器仗蓮華下畫作水池以七寶莊嚴於池岸上應畫持誦人跪坐手持香爐并持華枝又持念珠跪坐瞻仰如來於寶樓閣上於虛空中畫梵天毗紐天大自在天散華供養應依如是儀則畫像其持誦者著新淨衣食三白食從白月八日在如來前如法念誦至十五日令滿十萬遍其像動搖及見自身熾然光明獲得無障礙眼證清淨摩尼行三摩地於一切持明仙中爲轉輪王親見一切如來纔誦一遍遠離一切地獄傍生能斷貪瞋癡等離諸慳悋垢成就一切功德獲得一切安樂攝受一切善根一切如來之所加持

息九

十二

一切菩薩之所安慰一切諸天悉皆擁護一切藥叉羅刹畢隸多比舍遮阿蘇羅彥達縛孽嚕拏緊那囉摩獲囉識人非人等悉來侍衛於一切王宮皆得供養令諸世間皆得順伏一切功德波羅蜜皆悉圓滿如是等殊勝功德悉皆獲得若纔誦者獲如上福利况多增勝受持者若有讀誦受持相應供養求成就并與印契真言相應對於像前其人等同諸佛應受天人世間供養禮拜其人等同諸佛應見應知如來之所授記其人決定不退轉於無上菩提不復生於母胎所生世界蓮華化生不離諸佛菩薩所生之處共諸如來集會乃至坐菩提場

獲摩品第九

爾時如來復爲諸大衆說獲摩法先須清淨

身心然後作法一一法速令成就起廣大利益為諸有情發如是心應作護摩如法供養護摩真言曰

唵引娑縛合二訶鉢底二部囉合二部縛入聲吽

吽泮吒音半娑縛引二合訶引四

以此真言加持油麻白芥子和酥十三一徧一燒滿一百八徧能令一切真言法速得成就除遣一切障者毗那夜迦一切罪一切煩惱一切冤家惡友皆得摧伏禁止令其迷惑一切惡夢災怪不祥之事自然消散

又以安息香白芥子和酥誦真言一徧一投火中燒之滿一千八徧一切鬼魅頭自破裂一切病患諸瘡速得除愈一切鬼神變怪皆得遠離

又以酥和白芥子一誦真言一投火中滿一

千八徧獲得一色主

又以白芥子和酥護摩一千八徧一切諸恐怖冤家他敵悉皆除滅

又以天木杉木和酥護摩一千八徧得囉若

并內官眷屬歡喜敬愛所求皆遂

若以白膠香和酥及白芥子於山峯上護摩如前徧數一切諸官宦門自然而開即得入中為時明仙中王

又以香膠和芥子油於龍池邊護摩一千八徧一切諸龍皆得敬愛所勅皆作之依時降雨不損苗稼

又以飲食護摩一千八徧供養如來即得五穀豐饒

又以鹽護摩一千八徧一切藥叉女皆來禮足作是言大家勿斷我命任意驅使皆得成

辦

又以酥和粳米護摩一千八徧獲大吉祥

又以胡椒對日護摩一千八徧常得諸天擁

護獲大吉祥

又於大吉祥天女前以油麻和白芥子護摩

得大財豐饒

又以過迦木護摩一千八徧即成警覺諸佛

菩薩悉知是人離一切罪於一切世間出世

間真言王悉皆現前除一切病於諸冤敵而

得最勝一切生死苦不能凌逼由此真言力

故諸有善業皆果成就一切惡夢不祥之事

皆得消散一切厭禱一切繫縛一切煩惱不

能侵擾如是等護摩事業能作息災能獲安

樂獲得財利設有墮諸惡見衆生令得正見

爾時婆伽梵告金剛手菩薩此教王有大威

德是一切如來心是諸如來母是諸如來轉

大法輪是諸如來往詣菩提是諸如來建大

法幢是諸如來吹大法蠶是諸如來坐金剛

座是諸如來降伏魔軍是諸如來最勝祕密

是諸如來極大祕密金剛手此陀羅尼於瞻

及天龍藥叉彥達縛阿蘇囉孽嚕拏緊那囉

摩護囉誑人非人等各持供具虔誠供養如

來復有摩尼照曜思惟菩薩而爲上首與無

量俱胝那度多百千菩薩悉持種種妙寶而

供養佛時金剛手菩薩而爲上首與無量百

千持明仙各持種種百千天衣而供養佛復

有四大天王與無量百千萬億四天王衆以

種種香華塗香末香華鬘衣服旛蓋而供養

佛復有梵天與梵衆諸天而來供養復有三

十三天與百千萬億天子帝釋而爲上首供

尼是如來心難解難入若有善男子善女人於百千萬劫供養八十俱胝那庾多百千恒河沙諸佛菩薩飲食衣服房舍卧具百種湯藥旛蓋香華塗香末香復以七寶滿三千大千世界日日中奉施諸佛金剛手於汝意云何是善男子善女人功德多不金剛手菩薩白佛言世尊此人功德無量無邊不可稱數若有誦此陀羅尼一徧者此人功德勝前功德諸佛如來說不能盡若有善男子善女人於一時頃作意思惟此陀羅尼稱量比前供養如一切如來飲食衣服香華七寶功德倍勝於前即成供養一切如來爾時如來說是語已眾中天龍藥叉彥達縛阿蘇囉孽嚕拏緊那囉摩護囉誑人非人等一切大眾踊躍歡喜發聲稱讚五體投地虔誠禮敬合掌向

佛白言世尊此陀羅尼等同如來出於世間今佛世尊於瞻部洲能善建立此祕密陀羅尼心法爾時十方同會諸佛菩薩咸讚釋迦如來言善哉善哉既讚歎已各還本土爾時釋迦牟尼世尊以佛神力還娑訶世界

大寶廣博樓閣善住祕密陀羅尼經卷中

音釋

鬱紆勿切 闕梵語也此云水闕為善切 末音向式亮切 餉式亮切 頻毗賓切 眉蹙也

卷九

七

大寶廣博樓閣善住祕密陀羅尼經卷下十

唐特進試鴻臚卿三藏沙門大廣智空奉詔譯

爾時金剛手祕密主菩薩面貌熙怡微笑身
毛聳豎持金剛杵輪擲揮空以種種香華衣
服嚴具諸持明仙眾歌讚歎詠往詣佛所以
諸香華衣服嚴具而散佛上息十遠佛三市頂禮
佛足漸進佛前偏袒右肩右膝著地合掌白
佛言世尊如來今於世間然大法炬於瞻部
洲建立陀羅尼教王若有見聞此陀羅尼者
等同見佛出興於世應如是知世尊說是大
寶廣博樓閣善住祕密大印曼荼羅教明王
法世尊若有纔聞此陀羅尼者於無上菩提
決定得不退疾證無上等覺菩提解脫一切
罪障惟願世尊為諸眾生說此陀羅尼印法
即以伽陀而問於佛

此之祕密印	云何而輪結	云何安於指
云何復安臂	云何手按手	云何以印觸
而作於加持	云何印在心	云何而舒臂
云何三昧耶	云何安慰印	云何以神力
加持速成就	云何金剛座	云何灌頂印
云何法輪印	云何持無上	無能勝密印
云何轉輪印	及如意寶印	云何四王印
云何吉祥天	祕密之契印	云何餉棄尼
及女使者印	云何持壇中	一切聖眾印
云何迎請印	云何根本印	心及隨心印
如上之印法	惟願大牟尼	而為我解說
由結此印故	一切業成就	纔見此印故
諸罪皆清淨	若修真言法	成無上悉地
願佛說真實	由結此印故	世尊為我說
爾時釋迦牟尼如來於大眾中舒金色如象		

王鼻百千福莊嚴臂按金剛手祕密主菩薩
頂而安慰之作是言金剛手此大寶廣博樓
閣善住祕密陀羅尼印品如是印法汝今諦
聽善聽極善聽作意思惟今委寄汝汝應極
生恭敬印品及曼荼羅成就法當於後世敬
重印品知一切印等同如來薄伽梵詣菩提
場如轉法輪如佛舍利於後世時不應授與
下族類人惡性有情破戒有情懈怠有情不
淨信者耽嗜有情我慢有情如斯之類不須
爲說此陀羅尼等同如來舍利勿令隱沒若
有薄福有情聞我此法便生毀謗當知此等
如毀謗佛無有異也是故金剛手善應執持
此陀羅尼所在之處如佛無異爾時金剛手
菩薩頂禮佛足白言世尊如是如是世尊所
說我當專心受持恭敬供養以報佛恩惟願

世尊爲我演說我當守護如來三昧耶不敢
違越不敢棄捨不敢疑惑令持明者速得成
就爾時薄伽梵作念正知於大衆中以吉祥
儀軌說修行此大寶廣博樓閣善住祕密陀
羅尼大印品持明者善須依法澡浴及飲五
淨依法加持及自護身著新淨衣先以白檀
香徧塗手臂然後復用鬱金香塗繫於神線
臂釧茅鏤安於右臂離喧鬧密靜處建立精
室或舍利塔前對佛像面向東方作吉祥坐
及結跏坐先於一切有情起大慈心深生悲
愍即應誦根本陀羅尼次誦心陀羅尼隨心
陀羅尼以華鬘燒香供養一切如來并供養
持金剛觀自在曼殊室利慈氏等憐愍有情
者徧禮十方一切如來所奉獻者二手合掌
應作如是言

住在於十方 諸佛攝受我 徧在於十方
過去及現在 未來諸世尊 菩薩威德者
我今悉皆禮

唵一引牟尼摩尼二鉢囉一合縛囉三鉢囉二合縛囉三

唵四麼呬耶二合鉢納銘五二合摩訶鉢囉二合陛

娑縛二合訶六引

次結普徧光明寶清淨如來心印

先以右手拇指捻頭指甲上如鏤餘三指展
之次以左手展其頭指屈大拇指押三指甲
上二手相對置於心前

應住寂靜心 觀想佛形像 身儀應寂靜
復以寂靜根 身不應動搖 不動於靜慮
結印誦密言 數限二十一

唵一引薩縛怛他孽多訖哩二合捺耶二摩拏入
縛二合囉寧三阿註尾瑟吒二地吽四引

纒結此印即持一切如來心印積集廣大福
聚如恒河沙那度多百千如微塵諸佛若有
善男子善女人苾芻苾芻尼優婆塞優婆夷
以滿三千大千世界七寶及天妙衣服塗香
末香燒香華鬘瓔珞諸莊嚴具幢幡寶蓋供
養一一佛滿百劫如是供養一切佛已若有
人結此印誦真言一徧所生善根百分不及
其一如上恒河沙諸佛不能盡說其福聚如
是大威德有大神驗纒結此印誦真言觀念
地獄一切衆生彼地獄衆生皆得解脫由此
觀行皆得生極樂世界如是等阿修羅及焰
魔界傍生皆得解脫一切身垢過現生身得
清淨一切如來攝受護念即成見一切如來
皆由結此普徧光明寶清淨如來印威力故
次結一切如來心印亦名安慰一切如來印

先以左肘當膝平展仰掌即屈無名指小指以大拇指押之右手准前印不改顰眉羯吒訖又眼自視其身微屈身齒咬下脣應誦真言曰

唵引薩縛怛他孽多二鉢囉合縛囉引孽囉摩拏吽三

纒結此印誦真言即成入一切如來所有三昧耶曼荼羅則成知三昧耶者若人百千劫來宿障由見此印即得消滅閉一切惡趣門即成結一萬四千俱胝那庾多百千佛大三昧印及誦真言又同結一切如來部族印一切夜叉羅刹部多諸毗那夜迦等皆悉被燒如一火聚是諸障者面皆踏地皆順三昧耶不敢違越一切諸天頂戴誦持者二足皆住三昧耶由纒見聞此印故即成知一切三昧

息十

五

耶者一切惡龍亦順住三昧耶不敢違越無有三昧耶祕密曼荼羅教軌儀無不知者悉皆成入由結印誦真言故諸有惡人不敬信者及外道怨敵不饒益有情者皆起慈心深生恭敬一切懷惡意諸煩惱者悉皆消滅即成具三昧耶即離一切罪障即成歸依三寶即成就大福德聚遠離諸疾病離一切慳慳煩惱垢

次結一切如來普徧大寶三昧耶祕密大印先以右手置右膝上以大拇指捻中指甲上次以左手仰橫安心上拇指押中指無名指甲上舒頭指及小指發慈心開目而住即誦真言曰

唵引薩縛怛他孽多二毗三冒馱娜縛日黎合吽三

纒結此印誦真言即得一切如來之所安慰
皆稱善哉舒手按頂憐如愛子則爲一切如
來之子千俱胝那庾多恒河沙諸佛所共安
慰其人一切罪障皆得清淨一切煩惱悉皆
消滅一切菩薩悉皆禮敬一切諸天悉皆侍
衛一切鬼神并一切夜叉羅刹悉皆不敢侵
陵一切障礙毗那夜迦不敢惱害馳散十方
一切皆起慈心由見此印故無有疑也見持
明者持此最勝印當知佛菩薩現前安慰由
誦此真言當知是佛音聲等同諸佛佛語甚
深難聞若有善男子善女人苾芻苾芻尼鄔
波索迦鄔波斯迦若持明者結跏趺坐結印
誦真言若得見持此真言人則成見六十二
恒河沙百千俱胝那庾多諸佛如來應正等
覺不應起疑惑應當供養彼人奉其衣服應

息十

六

起恭敬如大師想觀持明者等同諸佛當知
是人則同諸佛一切希求勝願皆得滿足若
一時間結印誦真言慈心徧緣六趣輪迴諸
有情二足四足多足思惟起悲愍心輪迴有
情及傍生者皆獲安慰獲佛菩提不久諸天
擁護於一切曼荼羅成知三昧耶者印成誦
一切真言即成結一切即次結一切如來莊
嚴大寶光加持祕密大印以二手右押左背
相又屈二頭指各如鉤二小指各直豎二大
指各屈在掌中結跏趺坐以印當齋上傾身
向右顰眉眼寂靜而視觀想諸佛住大慈心
應誦真言矜愍一切有情觀佛色相置印於
頂上結印時誦唵字吽字泮字結印已由誦
唵字成加持菩提場由誦吽字加持轉法輪
由誦泮字加持菩提樹如須彌山不傾動一

切如來所加持一切佛皆與授記一切處加
持人天是人身得清淨如日光摩尼照曜離
一切罪增長福德聚是處猶如宰堵波由結
此印故猶如菩提場諸佛所加持加持於十
地亦加持不退轉處能淨宿障解脫諸惡趣
關閉諸地獄門息十開諸天門是人於七十二恒
河沙數俱胝那更多百千諸佛所種植善根
獲得授記一切鬼神夜叉羅刹及龍皆生恐
怖及諸障毗那夜迦踏面於地如火聚焚燒
及諸餘類難調伏者摧壞無疑此印難見難
聞離一切罪及離八大地獄成就一切真言
教法即成入一切曼荼羅一切三昧耶印如
來所說皆得加持亦能加持一切印成佛菩
提最勝纒結此印一切處常得加持真言曰
唵引薩縛怛他尊多引地瑟姹合那二摩尼

摩尼吽泮吒三半音
次結如來寶大金剛安立金剛師子座印先
應結金剛跏坐即結金剛合掌印想身為金
剛杵形微屈身觀想徧毛端徧觸然後二手
合掌屈二頭指捻二大指甲豎二中指如金
剛杵形直豎二無名指以二小指拑在無名
指背以印觸地及觸二膝即安於齋此名二
金剛師子座印其地猶若金剛周匝十方如
金剛牆亦成一切如來座由一切如來加持
故成金剛座樓閣一切難調伏者不能沮壞
一切處得無畏及障者毗那夜迦一切諸魔
類由結此印皆得超勝彼皆一切馳散及夜
叉羅刹大力作障者悉皆遠離難伏不見形
者及諸不友怨敵惡心衆生悉皆殄滅由結
此印故一切有情若男若女皆得敬愛王及

後宮皆得歡喜及餘有情在於地上皆得敬
伏一切隨順晝夜無間斷由諸佛加持成金
剛寶殿建立師子座由佛神通加持故如俱
胝恒河沙數百千應供正徧知處成金剛師
子座由纒結此印於如是等如來所成奉獻
金剛座則獲一切如來神力加持由纒結如
來寶大金剛建立金剛師子座印一切地獄
傍生焰魔界餓鬼阿蘇羅身一切地獄等由
先世業障以此金剛牆令摧壞令繫縛皆令
消滅其身得清淨成金剛不壞身由誦真言
結印故於諸惡趣皆得解脫及解脫一切罪
真言曰
唵引薩縛怛他孽多鉢囉合縛囉二摩尼嚧
黎三吽吽吽吒半音
次結一切如來大寶出生灌頂大印

二手合掌如金剛杵二頭指傍舒二中指屈
節指面相合直豎二無名指如金剛杵二大
指押二小指甲上結吉祥趺坐置印於頂上
應誦此真言曰

唵引薩縛怛他孽多尾麼羅三婆吠二吽吽
纒結此印誦真言其持明者於六十八百千
恒河沙數微塵等如來應供正徧知以一切
如來神變加持獲得灌頂即彼乃至得如上
如來繫無垢息十繒於其首以一切曼荼羅印品
明真言灌頂成就無量阿僧祇福九德聚獲得
無量善根一切菩薩金剛手於持明仙人以
百千徧灌其頂一切天龍夜叉乾闥婆阿蘇
囉孽嚧擊緊那囉摩護囉誡四天王與成彼
持明人灌頂一切持明仙中輪王與成彼灌

頂爲一切如來長子殊勝灌頂成一切如來
三昧耶祕密曼荼羅灌頂以大寶廣博樓閣
祕密成灌頂一切不友冤敵作障者毗那夜
迦惡藥叉羅刹部多鬼神不能見彼持明者
其持誦者身如虛空隱形不現普徧十方一
切佛刹一切如來應供正徧知廣大衣服繒
綵七寶瓔珞莊嚴頭冠於一切如來所作大
供養雲海成供養灌頂由纒結此印得如是
神通自在善根成就如是大威德大福利
次結一切如來光明大寶摧魔熾然法輪神
通加持大印
二手合掌安於心以右手大指頭指甲相捻
餘三指直舒掩於心屈左手大指入掌中捻
中指甲上餘三指微屈二手背相著其左手
掌面向前結跏趺坐應誦真言住慈三摩地

內心定寂靜由結此印即轉清淨大法輪三
千大千世界六種震動無疑諸佛菩薩皆觀
察持明者金剛手歡喜并諸天眷屬持明轉
輪王常來侍衛持明者四大天王晝夜常護
持四方一切如來常加持由轉法輪於諸衆
皆得超勝一切障作障毗那夜迦持明者若
持此印心得寂靜離諸障難是人等同如來
出興於世轉大法輪如坐菩提場轉大法輪
我見彼人等同諸佛應當供養所獲善福如
供養佛持誦者應清淨心於諸有情常起悲
愍應結印誦真言息十少擻眉脣齒俱合觀想佛
形如轉法輪心作是思惟降伏諸魔制諸障
難由結此印誦真言故能然大法炬建大法
幢擊大法鼓吹大法蠡作大師子吼增長福
德聚由纒結此印如結八十俱胝恒河沙諸

佛真言密印是諸如來亦加其威神咸稱善哉善哉授菩提記真言曰

唵引薩縛怛他孽多三摩耶二摩拏縛日黎

合二吽吽三

次結無能勝印

以右手大指跬頭指頭屈如環餘三指直豎左手亦然豎二手所舒指皆相著以印小指當於齋顰眉向下觀身以右脚押左脚以羯吒訖叉眼顧視意誦真言即舉右脚以大拇指觸地由纒結印誦真言故即能降伏諸魔并諸營從得勝及降伏一切作障毗那夜迦及不現形者一切夜叉羅刹於諸冤敵通達無礙及諸不友冤敵得勝離煩惱苦及諸鬼趣得勝於其身中貪瞋癡及餘種種煩惱彼皆寂靜由纒結印故則解脫諸罪一切所往

自七十一

十一

處得勝於真言法得無障礙得成無障礙事得離一切諸病乃至證菩提一切處諸天擁護於十方無能勝真言曰

唵引薩縛怛他孽多惹耶尾若耶二阿爾多

縛日黎合二吽吽三

次結一切如來轉法輪印

先以右手握大姆指作拳左手亦然以右拳安於左拳上由結此印一切如來之所印可如恒河沙俱胝百千如來咸皆歡喜受與無上悉地是諸如來決定現其身於一切持明仙衆中為轉輪王一切真言印契教法悉皆通達如在心於諸曼荼羅成就最勝一切諸天十方擁護轉法輪真言曰

唵引薩縛怛他孽多達磨馱覩二摩訶麼拏

試佉黎三喝囉喝囉四吽吽泮吒五

半音

次結金剛手菩薩印

先以二手合掌二中指右押左內相又二頭指并二大指如金剛形豎二無名指指面相著二大指直豎二小指磔開舉其左肘下其右肘顧視左肘右脚押左脚半跏微展左脚作攢眉怒目瞋相以齒咬下脣喉中稱吽聲意誦真言觀己身如金剛手繞結印誦真言故三十三天皆大驚怖一切天宮悉皆震動一切夜叉羅刹王及難調諸龍鬼神毗那夜迦及諸作障者悉踏面在地號哭四方馳走金剛手皆大歡喜授與悉地真言教法悉皆成就福聚增長持明中為主宰若能三摩地相應洗浴清淨塗香塗身著新淨衣服諸佛如來觀察其人一切曼荼羅聖眾皆大歡喜真言曰

息十

十二

唵引薩縛怛他孽多摩訶縛日囉合二賀縛耶
二馱囉馱囉三吽吽泮吒四半音
 次結寶金剛菩薩印

准前印唯磔開二頭指安印當心結跏趺坐起慈心眼寂靜而視端嚴柔輒誦真言隨其意思所求滿足金剛手常歡喜觀彼人如所愛子真言曰

唵引杜嚧合二杜嚧二合摩尼摩尼三摩訶蜜
 你與合二怛末尼合二娑縛合一訶引四
 次結四大天王印

先以右手安於臍上屈大指入掌以頭指捻大指頭餘三指直舒左手安左膝上直舒頭指餘三指握大指為拳作擬勢身向前微屈眼視右手作忿怒形怒目不轉睛應誦真言曰

唵一引盧迦播里低二惹耶惹耶吽三

次結吉祥天女印

先以二手虛心合掌二頭指二中指二無名指散開微屈如開敷蓮華形由結印誦真言能滿一切所希求願是大威德者真言曰

唵一引尾摩羅孽羅二縛底三婆囉吽三

次結餉棄尼天女印

以右手近右乳邊頭指直豎大指屈入掌中以中指無名小指慢為拳左手覆右膝觸膝上曲身向前怒目而視應誦真言曰

唵一引能上聲瑟置哩三捉二平聲尾娑囉吽三

次結使者天女印

先以右手仰掌當心平展下其肘次以右手平展覆掌於右手下二手背相背舉其臂肘引頭向前微曲身真言曰

唵一引阿譏麼野二地囉門三者吒訶悉你吽三

三

次結曼荼羅中一切聖眾印以二手指相叉鉤結安於齋展左脚按地即成誦真言曰

唵一引三曼多迦囉跛哩布囉捉二馱迦馱迦三吽四泮四

三吽泮四

次結華齒天女印

先以右手屈五指如蓮華形安左耳上左手准前安於心真言曰

唵一引娑囉娑囉二尾娑囉吽三

爾時金剛手復白世尊言云何根本印

云何是心印云何隨心印牟尼為我說

世尊作是言二手作合掌應置於心上

屈於二頭指及以二大指相捻猶如環

二中指覺屈 猶如於寶形 豎合二無名
 磔開二小指 是名根本印 智者結此印
 誦根本密言 即成先行法 次說心印相
 先以於右手 仰掌安於心 大指與無名
 而以頭指捻 餘三指平舒 次以於左手
 大指捻小甲 餘三亦直舒 覆於左膝上
 是則名心印 亦名安慰印 功德如根本
 次法隨心印 准前心印相 大拇與頭指
 相捻猶如環 依前左脚上
 結此印能成辦一切事業滅一切罪除一切
 煩惱不久決定當得佛菩提若人結一一印
 其福不可量由結此印於無量阿僧祇恒河
 沙數俱胝那庾多百千如來應正等覺兩大
 供養雲海塗香末香華鬘衣服幢幡瓔珞嚴
 具七寶於一切如來成供養種種百味飲食

隨如來所宜成出生供養隨其意樂醫藥資
 緣於一一如來前成廣大供養由結印誦真
 言於一切如來平等於十方即警覺彼等如
 來稱善哉悉皆授與記一切如來安慰其人
 樂見彼人金剛手持明王并諸眷屬眾晝夜
 常擁護其人四大天王決定擁護其處等同
 宰堵波由結此印故其地如來說如有舍利
 塔皆得決定不退轉是故金剛手若善男子
 善女人苾芻苾芻尼優婆塞優婆夷淨信持
 明者應當極生恭敬受持讀誦供養若自書
 寫勸他書寫應當結印以大信心以大恭敬
 以種種物應當供養其善男子善女人苾芻
 苾芻尼鄔波索迦鄔波斯迦獲大福成就一
 切戒成就大精進大忍辱成就大禪定成就
 檀那成就大智慧成就廣大功德成就六波

羅蜜圓滿若有得此陀羅尼印壇場法者成
 就如是廣大功德佛說是經已金剛手菩薩
 摩訶薩及一切大衆天龍藥叉彥達縛阿蘇
 囉孽嚕拏緊那囉摩護囉識人非人等皆大
 歡喜信受奉行

大寶廣博樓閣善住祕密陀羅尼經卷下

音釋

捨奴協切 蟲盧戈切 跬直主切 磔陟格切 踣張伸也
蒲北切 也